

Мектеп мерейі

Аманкелді ауданына қарасты Байғабұл ауылында осыдан 50 жыл бұрын мектеп бітірген тұлғалардың кездесуі өтті.

Жабыққанда жұбарат жайдақ ұлмын,
Желаяқ-уақыт желі қайда бұрдың?!
Толқиды тошпағай ем, ерекше ауыл –
Толқиды толқанындай Байғабұлдың,
Қатал заңды жариялар жалған ұдай,
Кісі де қара жолдың қаңбағындай.
Бұл мектеп шал-кемпірді оқытқан жоқ,
Қыз-ұялдардың қартқа ұқсап қалғанын-ай!
Ұмытпас алғашқы әріп, әліпшең,
Үйдан бал қызыққа қанық тегі.
Толқиды сау-саламат санаулы ұстаз,
Тұлғасы қандай биік, қалыпты еді?!
Өрім кезден өте ибалы өскен ек,
Қатарластық қарттық керуен көшке кеп.
Кігіттер осы жазған хатты аруа,
Осы қыздар орамалын сыйлаған кестелеп.

(ақын ақын Нағашыбай Мұқатовтың «Сыныптастар» толғауынан)

Мектеп бітірушілердің дәстүрлі «Соңғы қоңырау» мерекесі байрақты Байғабұлдың «Рухани жаңғыру» көктеміне сай жарысымды жалғасын тапқандай. Жақында ғана «Туған жерге туың тік!» тақырыбымен осы мектептің іскер тұлғалары – Жомарт Түбекбаев, Мейрам Айдәболов, Серік Садықов, Бақыт Бекбауылов, Нұрлан Байыров, Сәбит Нұрғалиевтердің ұйымдастырған іс-шаралары ауыл тұрғындарының еңсесін көтеріп-ақ тастаған екен. Мектеп ауласына ағылған көпшілік қауымның қалың нөпірінде есеп жоқ. Солардың жуан ортасында мектеп бітіргендеріне 5 жыл, 10 жыл, 15-20 жыл, 30-40 жыл болған тұлғалардың ішкі сезімі мен көңіл-күйлерін сырт келбеттері жасыра алмағандай. Салмақпен сәлемінді алып, самайларын қырау шалған, аяқтарын санап басып және бір тобыр келеді. Бұл мектеп бітіргендеріне жарты ғасыр өтсе де, құлын мүшесін жоғалтқанымен, қыз қылықтарын күлкісінен аңартқан әжелер мен сырт көзге сын айттырмай сырбас мінез танытқан аталар болатын. Солардың арасында Нағашыбай Мұқатов пен Рафия Арыстанованың, Айдар-

хан Мұсабеков пен Кәбіра Бақытжанованың, Жұмағазы Аюпов пен Құлмай Садықованың, Әблахат Абдуллин мен Жұмаш Қышпақбаеваның, Батырхан Қойкенов пен Гүлдара жеңеміздің жұптарына жұрт таңырқай қарайды. Себебі олардың сыңарлары сырт адам болғанымен, сыныптастар қатарынан табылғанына да 50 жылға тақан қалған.

Мектеп бүлдіршіндері сыртқы қақпадан гүл шоқтарымен күтіп алған қалың тобырды «Одақтық халыққа білім беру ісінің үздіктері» – Құлнай Теміров пен Үмітжан Нұрғожина бастап келе жатты. Бұлардан сәл кейініректе «Қазақстан республикасының халыққа білім беру ісінің озық қызметкерлері» – Забира Әбділдина, Ұмытшақ Сұлтанова, Жәниға Тәжікенова, «Денсаулық сақтау ісінің үздігі» Мираш Іскендіров, білікті инженер-техниктер Мейрам Мұқышев, Серік Жанауов, Балғабай Әлмәгамбетов, Темірбек Елубаевтармен қатар белгілі сөзі сүйелі, кестелі сөздің кереметі, лауазымды қызметтер атқарған Сайлау Сәйділлин, жұбайы Сәулет Фазыловамен бірге шеруді жалған келе жатты. Сондай-ақ

Сар далаға сауылдап сәулелі леп,
Кеуделерде дүңдөп және жүрек.
Толқиды жар жоғалтқан сыныптастар,
О, тәңір, не жазығым бар еді деп! –
Нағашыбай ақын айтқандай Әсия, Жұма-
бике, Сәрқын, Ғалия сынды сынар аққулар осы тобырдың бел ортасында болатын.

Алғаш орта мектеп статусын алған 1967 жылғы 26 тұлғаның ішінен ғана бес бірдей білім беру ісінің үздігі, бір денсаулық сақтау саласының үздігі, бір кеңіңар директоры, екі мектеп директоры, екі инженер, бір партия және совет қызметкері, Торғай төсіне танымал бір ақын және Динаш Нұрмұхамбетов сияқты бір белді жазушының шығуы шынында да мектеп мерейі емес пе?!

Қазақстан Республикасының әнұранымен басталған айтулы мереке бай мазмұнды бағдарламасымен көпшілік қауымның көңілінен шығып жатты. Әсіресе, озық оқушыларға жыл сайын берілетін Аутан соғысының ардагері «Қасымхан Мұхамбетжанов» атындағы стипендияның



үздік оқушы Дүзбай Нұрымға берілуі, ат спортының «Көкпар», «Аударыспақ» түрлерінен облыстық, республикалық біріншіліктердің бірнеше дүркін жеңімпазы, мектеп түлегі – марқұм «Намар Көкішев» атындағы 50 мың теңге көлемінде сыйақының 11-сынып оқушылары Айтмұхаммед Нұрбек пен Хамитбек

Жансұлтанға тапсырылуы, «Даңқ» орденінің иегері, еңбек озаты, мектеп түлегі марқұм «Орманбек Қаргин» атындағы дәстүрлі сыйақының 10-сынып оқушысы Әбікен Жансама мен 11-сынып оқушысы Аружан Қасымханға берілуі көпшілік қауым көңіліне ерекше әсер қалдырды. Сондай-ақ бағдарлама барысында республикалық «Ақберен» шығармашылық сайысында «эссе» номинациясы бойынша III орын алған Акерке Сапарғалидың, «эссе» номинациясы бойынша облыстық байқауда II орын алған Әйгерім Шәмшиеваның, аудандық «Абай оқулары» байқауында жүлделі орыннан көрінген Әбікен Жансама, «Жарқын болашақ» тақырыбында мәнерлеп оқудан II орын алған Дүзбай Нұрымның, аудандық ғылыми жұмыстар бойынша жүлделі I, II орындардан көрінген Марат Улпан мен Жәниға Жапаровалардың таралғылы табыстары мектеп мерейін одан әрі асқақтата түскендей көрінді.

Бұдан әрі әдіскер ұстаз Кәбіра Бақытжанованың 50 жылдықтардың өмір тарихы жайлы өткізген «Балалық шаққа саяхат»

атты техникалық сабағы ешкімді де бейжай қалдырған жоқ. Әсіресе мектеп ұжымы үшін тың бастама ретінде қабылданды. Екі күнге созылған игілікті іс-шаралар барысында мектеп ұжымы мүшелері мерейтой иелерімен қоян-қолтық араласып, бірауыздылық танытты. Мектеп директоры міндетін атқарушы Нұрбану Сапарқызы, оқу ісінің меңгерушісі Асқат Зейнуллин, тәжірибелі жаңашыл ұстаздар Әсел Жапарова, Қуан Шоңғалов, жас ұстаз Қарлығаш Көкішевтер мерейлі мерекенің мазмұнды өтуіне мұрыңдық бола білді. Кездесу бағдарламасы «Нүркей қажы» атындағы ауыл мешітінен басталған еді. Имандылық жолымен «мешіт садақасы» беріліп, дүниеден өткен ұстаздар мен сыныптастарға бағышталған болатын. Алданың үнінен басталған жарты ғасырлық тарихы бар тұлғалар кездесуі осылайша сәтті қадам алып, аяғы дүбірлі қонағасы дастарханына ұласқан еді. Кездесуге қатынасқан ұстаздар мен мектеп ұжымына қомақты сый-сияпат тапсыру да назардан тыс қалған жоқ. Айлардың сұлтаны – «Рамазан» мерекесіне қараған түн қимас көңілдердің күшәк айқасқан биі мен ән-жырына ұласты.

Молдатай ЖАНАРУЛЫ,
Қазақстан Республикасының халыққа білім беру ісінің озық қызметкері

